



ISLA ONLINE

Noticia Transparente di Gobierno


Diahuebs 24 November 2022

Email: IslaOnline@gobierno.aw Tel: 528-4952

BON PASCO
FELIZ 2023



Gabinete Wever - Croes II



Entrante 1 JANUARI 2023:

SALARIO MINIMO Y PENSIOEN DI BIEHES TA SUBI, Y TARIFA DI BELASTING TA BAH

Entrante prome di januari 2023, salario minimo lo wordo aumenta, pensioen di biehes tambe lo aumenta, lo aumenta reparatie toeslag di pensionadonan y lo reduci impuesto di pensionadonan door di haci calculacionnan separa. Mester menciona, cu Gobierno lo baha impuesto riba tur salario y entrada di tur hende.

DECISION Y ESFUERSONAN DI GOBIERNO PA MEHORA COSTO DI BIDA

A traves di e esfuersonan aki, poder di compra di ciudadanonan lo mehora, y asina e calidad di bida di nos hendenan tambe ta mehora, comunidad lo bay sinti mas e beneficianan y

efectonan positivo di decisionan cu gobierno a tuma pa trece alivio pa comunidad, especialmente pa e grupo di personanan mas vulnerabel.

Prome Minister Evelyn Wever-Croes a duna di conoce cu mientras cu Gobierno lo introduci e cambianan positivo aki na comienso di otro aña, e deseo ta pa por haci hopi mas pa comunidad. Lamentablemente pa motibo cu tin cu cumpli cu debenan crea door di gobierno anterior, e espacio financiero ta limita. A pesar di esaki, e ta importante pa comunidad keda positivo y sa cu Gobierno actual ta trahando serio y responsabel, creando mas posibilidad pa por duna mas na comunidad.



PRESUPUESTO TPEF 2022 A WORDO APROBA PA PARLAMENTO

Diahuebs Parlamento di Aruba a aproba e presupuesto di TPEF aña 2022 na e suma di 3.3 miyon florin. Di e fondo aki 1.6 miyon florin lo bay na inversionnan haci pa mehora producto Aruba pa asina ofrece un mihor experiencia na nos bishitantenan.

Den e inversionnan aki tin proyectonan manera Malmok Boardwalk Fase 3, embeyecimento di e trapi na Hooiberg cu mosaic (fase 2), proyecto di embeyecimento di e Eagle Beach strip y tambe e mantencion di esakinan.

Na banda di e inversionnan cu lo wordo haci pa medio di TPEF, e fondo lo ta aportando na otro aspectonan di e area, trahando cu diferente stakeholder. E aspectonan ta encera preservacion di e medio ambiente y herencia cultural. Programanan di conscientisacion, manera entre otro 'Stima mi, Sterilisa mi' ta hayando nan debido sosten. Tambe lo ta trahando riba embeyecimento di areanan turistico, door di percura pa e mantencion debido di e infraestructura y paisahe.

Diahuebs, Parlamento di Aruba a aproba e presupuesto 2022 di e Tourism Product Enhancement Fund (TPEF), caminda Minister Dangui Oduber a trece puntonan cardinal dilanti cu ta importante pa fortalece nos unico pilar economico. E Minister a gradici Parlamento pa aproba esaki, marcando un paso importante pa e desaroyo turistico di Aruba.

TPEF ta un fondo cu a wordo estableci na 2010 pa eleva e producto Aruba. Cu e aprobacion aki, Minister Oduber su vision y maneho pa sigui mehora producto Aruba, sigui eleva e calidad di Aruba como destinacion, sigui mehora e servicio cu nos ta duna y sigui eleva e nivel di nos turismo ta continua.

Pues den cuadro di e vision pa engrandecé nos turismo a base di un maneho profesional y transparente, lo sigui lucha pa mantene y eleva e nivel di experiencia cu e turista ta bin busca den e producto Aruba.

Minister Dangui Oduber tin e pleno confiansa cu e fondo di TPEF lo sirbi pa engrandecé nos producto Aruba y ta 'sumamente satisfecho cu e logro importante aki'.





Desde aña 2021 Sinterklaas ta bin Aruba cu Pietnan cu tin cara di tur color. Esaki ta cambianan cu a bin ultimo aña y pa por educa nos muchanan riba e cambio aki, Edselyn Figaroa a skirbi un buki cu ta conta dicon e caranan di Pietnan ta di tur color y kico ta nan significacion. Na yegada di Sinterklaas y su Pietnan na Aruba, Minister di Cultura a ricibi e prome edicion di e buki 'Academia di Piet' for di Sinterklaas. E mandatario a splica Sinterklaas cu elo percursa pa tur scol basico y preparatorio ricibi e buki pa asina e storia por wordo conta na tur nos muchanan.

Diamars mainta Minister di Cultura tabata di bishita na Scol Basico Princes Amalia pa asina entrega e buki 'Academia di Piet.' Minister Maduro a wordo ricibi pa cabesante di e scol Juffrouw Roelien y Juffrouw Kimberly di Klas 1. E mandatario a splica e muchananan e motibo di su bishita y a entrega un

MINISTER DI CULTURA XIOMARA MADURO A ENTREGA BUKI 'ACADEMIA DI PIET' NA SCOL BASICO PRINCES AMALIA

buki na juffrouw Kimberly pa asina e storia por wordo conta na nos muchanan di klasnan 1 te cu 3. Minister Maduro a comparti un rato masha ameno cu e muchanan.

Na final e mandatario a corda e muchanan cu e regalo di mas bunita cu por pidi Sinterklaas, ta amor y alegria pa tur nos muchanan.

E buki 'Academia di Piet' y tambe un link di e edicion digital lo wordo manda e siman aki pa tur scolnan preparatorio y basico pa asina tur mucha na scol como tambe hunto cu nan mayornan na cas, por disfruta di e buki 'Academia di Piet.'

Minister Maduro ta gradici Scol Basico Princes Amalia pa e bunita recepcion, como tambe Edselyn Figaroa pa e bunita obra aki pa nos muchanan.



POTRETNAN:
MINISTER DI CULTURA
Xiomara MADURO A
ENTREGA BUKI 'ACADEMIA
DI PIET' NA SCOL BASICO
PRINCES AMALIA
BASICO PRINCES AMALIA





PANAMA TA BRINDA OPORTUNIDAD PA COLABORACION COMERCIAL Y ECONOMICO

“Nos posicion geografico ta brinda oportunidad special pa colaboracion comercial y economico”. Asina minister di economia, mr Geoffrey Wever a declara durante su disertacion na inicio oficial di e “Trade Mission Panama to Aruba”, organisa pa e departamento di exportacion Panameño.

Sr. Erick Dormoi, Director Nacional de Exportaciones di Panama, tambe a elabora ampliamente riba e importancia di expande colaboracion regional ora ta trata comercio – producto y servicionan.

Fortalece lasonan economico cu Panama ta forma parti di e maneho economico di gobierno di Aruba, y pues ta special pa Aruba por ta anfitrión pa e evento aki. Minister Wever a informa cu Departamento di Asuntonan Economico tambe lo priorisa, explora y facilita lasonan economico cu Panama.

Ta spera resultadonan positivo for di e Trade Mission, y lo sigui ta den comunicacion cu otro, pa e beneficio di ambos pais.





"E TEMPO DI PAPIA Y PENSA PA SAN NICOLAS A PASA, AWOR A BIRA TEMPO PA ACTUA PA LOGRA

Minister Geoffrey Wever

Diaranson 23 november, Minister di Asuntonan Economico, Comunicacion y Desaroyo Sostenibel, mr Geoffrey Wever tabata presente na e evento di Kamer van Koophandel "Business Plaza – Get Started, San Nicolas edition" cu e tema di e edicion aki tabata "Let's talk business in San Nicolas". Na e evento aki Minister Wever a hiba un disertacion y a intercambia cu e personanan presente.

Revitalisacion di San Nicolas ta parti importante di e vision di Minister Wever pa e periodo di gobernacion 2021-2025. E mandatario ta aplaudi e actividad aki y ta subraya e importancia di partnership strategico entre sector comercial y Gobierno. Minister Wever a trece claramente dilanti cu e tempo di papiay pensapa San Nicolas a pasa y cu a bira tempo pa actua y deliver resultadonan concreto. Minister Wever a subraya cu Gobierno di Aruba ta haciendo hustamente esey. A pesar cu e situacion no ta facil y cu e fondonan ta limita, Minister Wever y stakeholders ta pensa y traha outside the box pa por trece cambio pa San Nicolas



Manera ta conoci recientemente Minister Wever a modernisa e maneho di permiso di negoshi completamente cu un atencion special pa e area di San Nicolas inclui den e maneho. E maneho nobo aki ta haci muchu mas facil pa direct foreign investors haya permiso di negoshi den area di San Nicolas.


Tambe a institui e Comision di Recuperacion Economico,

consistiendo di belastingadviseurs, advocatuur, accountancy, Aruba Bankers Association, Aruba Trade and Industry Association, Aruba Hotel and Tourism Association, San Nicolas Business Association, Comerciantenan Uni Aruba, Kamer van Koophandel, Freezone Aruba N.V., Aruba Tourism Authority y Departamento di Asuntonan Economico, cual a prepara un documento cu sugerencia di incentivanan di inversion y incentivanan fiscal pa stimula inversion den e economia di Aruba, cu tambe un atencion special pa desaroyo di San Nicolas. Pronto e resultado di e trabou aki lo wordo presenta na Ministerraad.

Pa promove Aruba, y San Nicolas, riba mercado internacional como pais pa inversion den cual lo tin atencion special pa nos "Creative Industries", Minister Wever dentro de poco lo cuminsa cu un international marketing campaign intensivo. Minister Wever a indica cu tin un proyecto den preparacion caba pa San Nicolas despues cu Minister Wever a haci recientemente un caminata den caya abandona di San Nicolas hunto cu SNBA, pa hunto identifica e prome area cu ta bai

desaroya pa asina por atrae turistanan y nos localnan pa bin bek San Nicolas.

Minister Wever: "Gobierno di Aruba tin e deber di crea e condicionnan necesario pa inversionistanan, grandi y chikito, por inverti, pero e responsabilidad pa desaroyo no mester wordo poni solamente den man di comercio, Gobierno tambe



ARUBA A FIRMA UN MOU CU BONEIRO DEN CUADRO DI UN ALIANSA CU AMBOS FAMILY JUSTICE CENTER

Recientemente **Minister di Husticia y Asuntonan Social Rocco Tjon**, a firma un Memorandum of Understanding (MOU) cu Boneiro, pa asina forma un aliansa pa traha mas di serca cu otro pa loke ta trata ambos Family Justice Center.

A haci palabracionnan concreto pa loke ta trata e parti di opleiding y training como tambe pa e parti di comparti experticio y conocimiento cu otro, pa esaki por tuma lugha mas frecuentemente.

Segun minister Tjon, loke ta hopi importante tambe ta, cu ta bay traha mas y mas den cooperacion cu otro ora ta trata e topico aki, caminda ambos organisacion kier eleva sigurdad pa victimanan di violencia pero na mes momento tambe percursa

pa e parti di “accountability” pa e malechornan ta uno mas grandi.

Hopi biaha ora ta trata e topiconan aki, e parti di financiamiento tambe ta uno importante y den cuadro di esaki a concorda cu otro, pa haci e peticionnan pa fondonan internacional hunto. E motibo pa cu esaki ta cu pa e tipo di peticionnan aki wordo honra, e ta exigi un cierto nivel di experticio.

Por conclui cu tawata un momento sumamente importante, caminda hunto cu Boneiro ta bay traha mas di serca cu otro, pa hunto combati violencia domestico, violencia relacional pero tambe percursa pa tin mas miho atencion pa victimanan di abuso di violencia y abuso en general.



Na maart ultimo, a conduci un “quality standard visit” for di e secretariado di Interpol, pa asina evalua nos “National Central Bureau for Counter-Terrorism, Security and Interpol” (NCTVI). For di e evaluacion aki, a sali afo cu NCTVI Aruba ta un di e miho organisacionnan di “National Central Bureau” den e region Caribense. Un organizacion cu ta centralisa riba metodonan inovativo, cu ta haci bon uzo di e hermentnan di Interpol, ta traha a traves di cooperacionnan cu otro departamentonan hudicial pa mantene nos fronteranan sigur y ta conta cu e sosten di Ministerio di Husticia y Asuntonan Social.

Segun e rapport ta indica, NCTVI ta un organizacion sublime, sinembargo manera ta cu cualkier otro organizacion, semper tin espacio pa mehoracion. Den caso di NCTVI, e saca algun

Minister Rocco Tjon: NCTVI CU RESULTADONAN SUBLIME DESPUES DI UN “QUALITY STANDARD VISIT” FOR DI INTERPOL

recomendacion a base di e evaluacion pa asina optimalisa nan funcionalidad. Asina por menciona por ehempel, cu por expande e uzo di e database di Interpol cu demas departamentonan hudicial, manera, Inmigracion Aruba pa asina optimalisa e funcionalidad, dentro di e contextonan permiti. Banda di esaki tambe ta recomenda pa inclui demas departamentonan hudicial manera Cuerpo Policial na trainingnan y e-learning brinda pa Interpol.

Asina tin algun recomendacionnan mas cu a sali afo for di e evaluacion aki, pa asina eleva e calidad di NCTVI Aruba.

Ministerio di Husticia y Asuntonan Social

ta manda palabranan di pabien na henter e ekipo di NCTVI Aruba, cu a demostra di ta mas cu capacita pa eherce nan trabou na un manera profesional y al caso.





PALABRANAN DI PABIEN Y DANKI NA MARIEBELLE ARENDS Y NYREE HART CU HUNTO A CUMPLI 50 AÑA DI SERVICIO DEN GOBIERNO

Diahuebs den ora tempran di mainta Minister Endy Croes a bishita Arco Iris Kleuterschool en conexion cu celebracion di 25 aña di servicio di juffrouw Mariebelle Arends y juffrouw Nyree Hart. E mainta festivo a inicia cu himno di Arco Iris Kleuterschool canta pe alumnonan, sigui pa palabra di bon bini pa cabesante di scol juffrouw Nelly Orman – de Cuba. Director di DPS sr. Ivan Croes tambe a hiba palabra ne ocasion special aki.

Minister di Enseñansa a felicita y gradici e dos docentenan den nomber di Gobierno di Aruba y Ministerio di Enseñansa y Deporte alabes a haci entrega di un reconocimiento di aprecio y gratitud na e juffrouwnan. Mandatario di Enseñansa a enfatisa cu e ta hopi orguyoso di e docentenan cu a dedica gran parti di nan bida pa educa nos muchanan. Danki pa boso dedicacion y profesionalismo den enseñansa na Aruba. E dignatario a expresa cu ta remarcabel y no ta comun ta cu ambos docente a cuminsa nan carera na SETAR despues nan a bay IPA, nan a stage na Arco Iris Kleuterschool y nan a keda traha na e scol pa 25 aña.

UN POCO DI E TRAYECTO DI JUFFROUW NYREE HART

Dia 13 di januari 1997 sra. Hart a drenta den servicio di Gobierno na SETAR. Na augustus 1998 a habri oportunidad bay IPA cu studieopdracht. Na aña 2001 juffrouw Nyree a pasa su stage na Arco Iris Kleuterschool y na 2002 a gradua como maestra specialisacion 4-8 aña. Despues di su stage juffrouw Nyree a keda traha te awe na su scol stima Arco Iris Kleuterschool. Dia 13 di januari 2022 juffrouw Nyree a cumpli 25 aña di servicio.

TRAYECTO DI JUFFROUW MARIEBELLE ARENDS

1 di februari 1996 sra. Arends a drenta den servicio di Gobierno na SETAR y 6 luna despues a bay IPA. Na aña 1999 Mariebelle a gradua como maestra specialisacion 4-8 aña. Dia 1 di augustus 2021 juffrouw Mariebelle a cumpli 25 aña di servicio.

Finalisando mandatario di Enseñansa ta gradici e docentenan y famia cu ta sostene nan durante henter e trayecto aki. Masha pabien!





UN AÑA NOBO TA TRECE CU NE
OPORTUNIDADNAN NOBO PA HACI COSNAN NOBO.
LAGA NOS DEDICA AÑA **2023** NA NOS PAIS.
PA TRAHA PA E CRECEMENTO Y DESAROYO DI CADA CIUDADANO.
PA CADA UN REALISA NOS DEBERNAN
Y COMPRENDE NOS RESPONSABILIDADNAN.
PA NIUN DI NOS RINDI NA CAMINDA PA NINGUN RETO
PERO KEDA CU E MESUN DETERMINACION Y CURASHI
PA LOGRA PROSPERIDAD PA NOS TUR.

Bon Pasco y Feliz Aña Nobo.